

3. ibilbidea Ekialdeko kostaldea

Dunak, nortasuna eta baso margotuak

Itsasoko jendea isila izaten da; ekaitzak, naufragioak eta bakardadea ikusi dituzten begiekin begiratzen diote bisitariari. Itsasoko jendeak zurrupada handitan edaten du bizitza, gure hauskortasunaren berri duelako, beren hondartzetako dunekin eta basoekin urrunetik egiten dutelako amets. Beren herriek nortasuna isurtzen dute, beren tradizioek harrotasuna, beren festek pasioa. Nabigatu bertatik gure bidaiari.



Gernikara iristeko, horixe baita ibilbide honen abiapuntua, AP-8 autobidea hartuko dugu, Donostiarako noranzkoan. Gero, Amorebieta-Etxano irteera hartuko dugu, eta BI-635 errepidean jarraituko. Gernika, aurreko ibilbidean azaldu den bezalaxe, ezinbestean bisitatu beharreko herria da, Bizkaiko historia eta ohiturak ezagutu nahi baditugu. Bere piper eta babarrun ezagunen sehaska izanik, urteko astelehen guztietan izaten da azoka bertan, eta, urriko azken astelehenean, "Gernikako azken astelehena" deritzen nekazaritza-azoka handia egiten dute.



Gernika-Lumo



Oma



Kostalderantz jarraituko dugu, BI-2238 errepidetik. Korteziubi aldean desbideratzea komeni da, **Omako basoa** edo "Baso animatua" ikusi ahal izateko. Agustin Ibarrolaren lana da hori, efektu optiko berezi eta iradokigarriekin margotutako zuhaitzen multzo artistikoa. **Santimamiñeko koba** 2008an izendatu zuen UNESCOk gizateriaren ondare. Edertasun handiko berrogeita hamar bat labar-artelan dauzka, eta erakusketak egiteko azken teknologiaz hornituta dagoen interpretazio-zentro bat.

BI-2238 errepidetik itzuliko gara, Arteagara abiatzeko. Udalerrri horretan, **Urdaibai Bird Center** bisitatzeko aukera edukiko duzue, hegaztien eta naturaren museo bizia. Bestetik, **Arteagako gaztelua** ikusi ahalko duzue, gotiko frantsesean inspiratutako Goi Erdi Aroko jauregia.

Geldialdi horren ostean, BI-3234 errepidean aurrera garamatza ibilbideak, **Laida eta Laga** hondartzetarantz. Urre-koloreko hondarrak dituen eta mendi altuz inguratutako paradisua da hori.



Laga

3. ibilbidea Ekialdeko kostaldea Dunak, nortasuna eta zuhaitz margotuak



16

Lekeitio

Bainatzeko hondartza ezin hobeak dira, eta surfa, kayaka, pader-surfa egin daitezke horietan, edo kanoa-ekintzak Urdaibai itsasadarrean. BI-3234tik jarraituko dugu, eta BI-3237an desbideratuko gara, **Elantxobera** iritsi arte. Bi amildegiren artean sartutako herri zorabiagarrria da Elantxobe. Bertako portuan, marea bizidun igerilekuetan hartu ahalko duzue atseden.



Elantxobe

Kotxez 12 minutura, BI-3238 errepideak **Eako** magiara eramango gaitu. Marinel-herri txiki-txikia da. Itsasadar batek zeharkatzen du, eta kalatxo bat dauka itsasadar horren amaieran. Lehenengo unetik bertatik liluratuko zaituzte. Arrantzaleen urratsak jarraituz, Bizkaiko kostaldean, BI-3238 eta BI-2238 errepideetatik, **Lekeitiora** iritsiko gara. Taberna eta jatetxe ugari dituen portu koloretsua dauka herri horrek; bai eta kondairazko irla bat eta Alde Zahar dotorea ere.



Ondarroa

Lekeitiori agur esan, eta **Ondarroara** abiatuko gara itsasoaren ondotik igarotzen den BI-3438 errepide panoramikotik. Alde Zaharrean, Likona dorrea eta Andra Mari eliza (biak dira XV. mendekoak) ikustea merezi du.



lbilbide hau ezin hobe da tokiko gastronomia dastatzeko: marmitakoa (hegaluzea patatekin), txipiroiak beren tintan, bisigu errea, txirlak saltza berdean... Hori guztia, Bizkaiko txakolin on batekin lagunduta.

Ondarroatik, BI-633 errepidea hartuta, **Markina-Xemeinera** iritsiko gara. Done Jakueren iparraldeko bi-dearen barruan dago sartuta herri hori. Bertako jauregi errenazentista eta barrokoek iragan distiratsua izan zuela erakusten dute.

Markina-Xemeinetik 4 bat kilometrorra, BI-633 errepidea Durangorako noranzkoan hartuta, **Ziortza-Bolibar** seinalea jarraituz (BI-2224 eta BI-4401 gero), Ziortzako monasterioa edo **Zenarruza monasterioa** dago. Done Jakueren iparraldeko bideko monumentu historiko-artistiko garrantzitsua da hori. Bertan, plateresko estiloko klaustroa nabarmentzen da, bakarra baita Bizkaian.

Bilbora itzultzeko, BI-633 errepidea berrartuko dugu, Durangorako noranzkoan. Han, AP-8 autobidea hartuko dugu, Bilborako noranzkoan.



Ziortzako monasterioa

17